



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

24 [i.e. 23]. Aditus Rhodij ad Regem Tunch.

**urn:nbn:de:hbz:466:1-10757**

significationem vocabuli, molis amplitudine non æquarent; earum vexilla numero, picturis, autoque fulgentia; remigum pileus elegantissimæ venustatis, vestaria tessera splendida, Reginam denique ad sponsum iurasse; non Regem in hostes vehere. Pone classem tercentum nauigia, (quingenta numerant alij) vrbicas Regis ferebant sarcinas, & feminarum onus, & impedimenta omnis generis tam multa ut videtur aulam Rex cum tota regia secum alio transferre. Incessus tamen ordo ex arte digestas proboque consultus, anteibat velutum acies, post hanc media & robur exercitus, in quo Rex triremibus septus vigintiquatuor, omnium optimis, & munitissimis: cladebat agmen postrema acies, cum impedimentis, commeatu & sarcinis procedebantque naues in versum quinque: tam æquatis ad remum frontibus, ut rostrum alterius, palmo altera non præret. Hic de Patrum aduentu, & Lusitanorum Rex monitus, duabus accitos triremibus, è sua Prætoria, conspectu salutauit, laudauit præstitam superioris anni fidem, de suo reditu; optatos sibi & gratos adesse confirmauit; ventum ad dona quibus nanquam fas est in accessu ad Regem parcere. Visaque sunt parum expectationi respondisse qua ad illum miserant Macenses, leui solum aspectu illa dignatus est; vertitque mox oculos ad ea quæ Patres attulrant, horologium rotatum, & arenarium, quæ illi nouitas vtriusque, & improbus alterius sonus, fecit aliquando gratiores; exin sequi se iussis Lusitanis, & Patribus, secundo flumine in mare subiit, octauoque post die, ad Timphæ radices substitit; vnius ex eius arcibus in Provincia Tignoa. Inde montem concendit præruptum ad sacrificandum simulachro, quod in eius supercilio colebat, ut emereretur ab eo, eiusque vna Sacerdote ac templi Custode Bonzio (Tunchinenium lingua Saio) opinione omnium viro sancto, præceptam animo, de hoste victoriæ, quæ ipsi præpostero Bonzij & idoli miraculo contigit, in hunc modum ut illac probrosè delusus remetiretur iter, vtraque ex acie terrestri, & nauali triremes, & milites reducens quibus nihil ad pugnam præter animum: dum sacrifit tam bellè ac litato perfunctus terream exercitum triduo præstolatur, venere in mentem Lusitani, de illorum requiritat mercibus, & præflorat quæcumque gratiæ in iis oculis morabantur, non tanquam venalia sed sua; nulla pretij mentione. Inter easdem illas moras, inexpectata superuenit à Lai Rege confiliatio, (etsi regno vtrique interiacet, longè vastissima soli emortui solitudo) inter alia dona, elephantes duos in præsentem belli mitribat vsum, mole ac viribus insignes & ad omnem pugnæ disciplinam eruditissimos. Placuit Regi probare quid possent. Sed alter mutato in decretorium ludicro extra campum erumpit qui ad batuendum descrips bestiis fuerat, & baritu immanni exterrens vniuersos, qua confitissimi spectabant illuc imperum facit cunctisque tumultuario hac illac dissilientibus, duos timor præproperus & cæcus ex crepidine in qua stabant egit in subiecta præcipites ubi pro mortuis relicti iacuere.

T.r.t. 2.